



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Vt in circuitione episcopi, omnes qui sunt in parochia sin gularum
Ecclesiarum matricum, exceptis infirmis, ad synodum eius venire debeant.

XC.

urn:nbn:de:hbz:466:1-10722

magistri, & auferam de spiritu tuo, tradamque eis vt sustentent tecum onus populi, & non tu solus graueris. Quid in Mose, nisi summum sacerdotium? Quid in LX X. viris, nisi presbyteros accipimus? Quod autem dominus auferat de spiritu Mose, traditque eis, patenter ostendit, quod hi qui ab episcopo in conspectu Dei vocati sunt, vt secum onus populi sustentent, eadem velle, & in partito sibi onere totis viribus cooperari. Hoc enim significat, quod non alium, sed eiusdem Mose spiritum accipiunt.

De episcopo ne laicum ponat sibi vicarium.
Cap. LXXXIX.

Ex cōcil. Braggay. cap. 9. **N**Oua actione didicimus, quosdam ex nostro collegio contra mores ecclesiasticos, laicos habere in rebus diuinis constitutos œconomos. Proinde pariter tractantes eligimus, vt vnusquisque nostrum secundum Chalcedonensium patrum decreta, ex proprio clero œconomum sibi constituat. Indecorum est laicum vicarium esse episcopi, & seculares in Ecclesia iudicare. In vno eodémque officio, non debet dispar esse professio. Quod etiam in lege diuina prohibetur, dicente Mose: Non arabis in bove simul & asino, quod est, homines diuersæ professionis in officio vno non sociabis. Vnde oportet nos, & diuinis libris & sanctorum patrum obedire præceptis, constituentes, vt hi qui in administrationibus Ecclesiæ pontificibus sociantur, discrepare non debeant, nec professione, nec habitu: nec cohærere & coniungi possunt, quibus & studia & vota diuersa sunt. Si quis autem episcopus post hæc ecclesiasticam rem ad laicalem procuracionem administrandam elegerit, aut sine testimonio œconomi gubernanda crediderit: verè vt contemptor canonum & fraudator ecclesiasticarum rerum, non solum Christo de rebus pauperum iudicabitur reus, sed etiam & concilio manebit obnoxius.

Vt in circuitione episcopi omnes, qui sunt in parochia singularum matricum, exceptis infirmis, ad synodum eius venire debeant. Cap. XC.

Ex cōcil. Rotoma. 13. ca. 11. **C**VM episcopus suam diocesim circuit, archidiaconus vel archipresbyter eum præire debet vno aut duobus diebus per parochias quas visitaturus est. Et plebe con-

uocata, annunciare debet proprii pastoris aduentum. Et ut omnes, exceptis infirmis, ad eius synodum die denominata imprætermisè occurrant, & omnimodis ex auctoritate sanctorum canonum præcipere, & minaciter denunciare debet, quòd si quis absque graui necessitate defuerit, proculdubio à communione Christiana sit repellendus. Deinde accitis secum presbyteris, qui in illo loco seruitium debent exhibere episcopo, quicquid de minoribus & leuioribus causis corrigere potest, emendare satagat, ut pontifex veniens nequaquam in facilioribus negociis fatigetur, aut sibi immorari amplius necesse sit ibi, quàm expensa sufficiat. Ait enim dominus ad Moysen, de huiusmodi cooperatoribus: Ut tecum, inquit, sustentent onus populi, & non tu solus graueris. Et beatus Ioannes Baptista aduentum domini præcucurrit prædicando, dicens: Pœnitentiam agitte, &c. Et item: Parate viam domino. Siquidem episcopus vicem Christi agere videtur, & ideo cum gaudio, timore, & summa reuerentia à plebibus sibi subiectis suscipiendus est: ut illis cum laude dicatur, quod Apostolus discipulis dicit, Testimonium, inquit, vobis perhibeo, quòd ita suscepistis me sicut angelum Dei, sicut dominum Iesum.

Decretalis constitutio Eutychni papæ quid episcopi in synodo querere debeant. Cap. XCI.

Episcopus in synodo residens, post congruam allocutionem, septem ex plebe ipsius parochiæ, vel eo amplius, prout viderit expedire, maturiores, honestiores, atque veraciores viros, in medium debet euocare. Et allatis sanctorum pignoribus, vnumquemque illorum tali sacramento constringat.

Iusiurandum synodale. Cap. XCII.

Amodo in antea, quicquid nosti, aut audisti, aut postmodum inquisiturus es, quod contra Dei voluntatem & rectam Christianitatem, in ista parochia factum sit, aut futurum erit, si in diebus tuis euenerit, tantum, ut ad tuam cognitionem quocunque modo perueniat, si seis aut tibi indicatum fuerit synodalem causam esse, & ad ministerium episcopi pertinere, quod tu nec propter amorem, nec propter timorè, nec propter præmiu, nec propter pa-

*Ex decre.
Eutychni
papæ
cap. 9.*

*Ex eodem
decret.*